



29. maj 2012

Inatsisartut suleriaasiat § 37 immikkoortoq 1 naapertorlugu Naalakkersuisunut imaattumik apeqquteqarniarpunga.

1. **Tunumi ukiumut raajartassanit 12.400 tonsiusunit ukioni kingullerni pisarineqartartut qanoq annertutigisarpat?**
2. **Tunumi raajartassanit pisarineqartartunit qanoq annertutigisut kiisalu sumi nunamut tulaallugit tunisassiareqqinneqartarpat?**

(Anders Olsen, Siumut)

#### **Tunngavilersuut:**

Ilisimaneqartutuut nunatta kitaani raajarniarneq sinerissap qanittuani avataanilu annertunerpaamik ingerlanneqarpoq. Taamaasillunilu kitaani piffinni arlariinni raajanik tunisassiorfeqarneq ingerlanneqarpoq suliffissaqartitsilluartumik. Tamannalu aamma pissusissamisoorpoq kitaata avannarpasissortaani raajarniarneq annertunerpaamik ingerlanneqarneratigut, ilaatigullu aamma tulaassisussaatitaanerup inatsiseqartinneratigut.

Apeqqutini qulaani pineqartuni tunumi raajat pisarineqartartut tamakkerlugit pisarineqartarnersut paaserusuppakka, kiisalu pisarineqartartunit 25 % tulaassassaataitaneri aallaavigalugu sumut suliareqqitassanngorlugit niuneqartarnersut paasisaqarfigerusullugu.

Piumasaraara pisarnertut ullut suliffiusut qulit qaangiutsinnagit apeqqutima akereersimaneqarnissaa.

Ikinngutinnersumik inuulluaqqusillunga

Anders Olsen  
Siumut